

Namminersorlutik Oqartussat sanaartornermut aningaasaliuttagaasa kommuninut ingerlatassanngorlugit tunniunneqannginnerini sanaartornermut inatsisit ataatsimoortut naammassineqarsimanissaat atuutsinneqalersimanissaallu siunertaralugu sanaartornermut inatsisissatut siunnersummitk ataatsimoortumik saqqummiussinissaq siunertaralugu Naalakkersuisut sulissuteqaqqullugit Inatsisartut aalajangiiffigisassaattut siunnersuut.

(ATASSUT-ip Inatsisartuni ilaasortaatitai: Finn Karlsen, Siverth K. Heilmann, Knud Kristiansen)

Akissuteqaat

(Ineqarnermut, Attaveqarnermut Angallannermullu Naalakkersuisoq)

Siullermeerneqarnera

Sanaartugassat Namminersorlutik Oqartussaniit kommuninut tunniunneqartalernissaannut kommuninut KANUKOKA-mullu isumaqatiginninniarnerit aalajangersimasut tunngavagineqartarnissaat Naalakkersuisut anguniagassamittut nalunaarutigisimavaat.

Maannamut sanaartornermi suliassat arlallit nammineq piumassutsimut, isumaqatigiinnermut tunngavissat aammalu isumaqatiginninniarnerit aalajangersimasut tunngavigalugit kommuninut ataasiakkaanut tunniunneqartarsimapput.

Pineqartorli tamanna inatsisitigut maligassiuunneqareersimavoq. Taanna suliassaqarfimmut 80 – 89-imut Sanaartugassanut Iluarsagassanullu tunngasumut oqaasertaliussani nr. 5-imik takuneqarsinnaavoq.

Aamma oqaasertaliussamut nassuaatini allassimavoq, “*Oqaasertaliussakkut pilersaarummut aalajangersimasumut aningaasaliissutinik kommuninut tunniussinissamut Naalakkersuisut periarfissaqalerput. Sanaartugassat sapinngisamik kommuninut ataasiakkaanut tunniunneqartarnissaat Aaqqissiuusseqqinnermut Ataatsimiititaliap inassutigaa. Kommunip sanaartugassaq isumagerusuppagu aningaasaliissutit malinnaanissaat naleqqunnerpaassaaq, taamaalilluni kommuni suliap aaqqinneranut tamakkiisumik sunniuteqarlunilu akisussaassammat.*

Sanaartornermi ersarinnerusumik, ammanerusumik paasuminarnerusumillu ingerlatsinissamut apeqqummut kissaateqarnermullu tunngatillugu, allaffissornikkut suleriaatsit suliad ersarinnerulernissaannik kissaateqarneq anguneqarsinnaalersillugu aaqqissiuunneqarsinnaasut Naalakkersuisut naliliippuit.

Sanaartornerup iluani akit aalajangerneqartarnerinik nakkutilliineq pillugu apeqqummut tunngatillugu, suliassaqarfiup iluani unammilleqatigiinneq, taassumalu saniatigut Unammilleqatigiinnermut Ataatsimiititaliap akuliunnissamut periarfissai sanaartugassallu qitiusumik aqunneqarnerat pissutaallutik, kvadratmeterimut akiusut eqqarsaatigalugit nunap aningaasaqarnikkut pisinnaasaasa sinnerneqannginnissaat qulakkeerneqassasoq Naalakkersuisut naliliippuit.

Aningaasalersuisarnernut agguataarneqartartunut, soorlu inissialioriternernut tunngatillugu ilisimatitsissutigisimnaavaara, suliniutissat suut pisariaqartinneqassanersut naliliiffiginiarlugu Naalakkersuisut inatsisinik nalilersuinermik annertuumik aallartitsereermata.

Kommunini sanaartornernut akisussaaffik nalinginnaasumik kommunini aqutsinermut inatsit naapertorlugu kommunalbestyrelsini inissismareerpoq.

Inatsisartut ataatsimiinneranni matuman Naalakkersuisut imm. 115-itut sanaartornermi neqerooruteqartitsisarneq pillugu Inatsisartut inatsisissaattut siunnersummik siunnersummik saqqummiussaqarput. Taamaattumik siunnersuut taanna akuerineqassappat, tamanna suliariumannittussarsiuussisarnermut inatsit eqqarsaatigalugu pissutsinut upuarneqartunut iluaquataajumaartoq Naalakkersuisut naatsorsuutigaat.

Pilerausisiortarneq pillugu apeqqummut tunngatillugu pilerausisiortarneq nunaminertanillu atuineq pillugu Inatsisartut peqqussutaat nr. 11, 5. december 2008-meersoq innersuussutigisimnaavara.

Sanaartugassat pilerausisiorterannut inatsisitigut sinaakkutissanik eqaatsunik, kommunini qitiusumillu pilerausisiormut piffissamut naleqquttunik paasuminarsakkanillu maleruagassiorfiusinnaasunik peqalernissaq, siunnersuuteqarnermi pingaarnertut siunertarineqarpoq.

Illuliornermut maleruagassanik iluarsaassinermi pisussami sanaartornerup ataatsimut katillugu aningaasaqarnera eqqarsaatigalugu avatangiisit nukimmillu sipaarniarnissap maannamut naleqqiullugu eqqarsaatigineqarnerunissaat pingartinneqassaaq. Iluarsaassinissap 2010-mi aamma 2011-mi pinissaa naatsorsuutigineqarpoq.

Illoqarfinni illulianik, illuloriaatsinik nalinginnaasunik akikitsunik atuiffiusunik sanaartornissaq pillugu Naalakkersuisut maannakkorpiaq kommunit suleqatigaat. Illuloriaatsinik taamaattunik illulianut allanut, soorlu atuarfinnut sullissivinnullu allanut ineriartortitsisoqarsinnaanera Naalakkersuisunit tunuarsimaarfingineqanngilaq.

Kommunini sanaartorneq pillugu ukiumoortumik nassuaasiortarnissaq eqqarsaatigalugu, tamanna sanaartugassanik kommuninut tunniussinissamut isumaqtiginninniarternernut piissusissamisoortumik ilaasussatut ilanngunneqassaaq.

Naalakkersuisut taamatut oqaaseqarlutik aalajangiiffigisassatut siunnersuut tapaserneqassanngitsoq inassutigissavaat.